

Izjava OHR-a na konferenciji za medije međunarodnih organizacija u Mostaru

Visoki predstavnik/specijalni predstavnik EU u posjeti Zagrebu

Visoki predstavnik i specijalni predstavnik EU Christian Schwarz-Schilling, sutra i u petak bit će u posjeti Zagrebu.

Visoki predstavnik/specijalni predstavnik EU obratit će se na Desetom Hrvatskom Forumu u Zagrebu. Ovaj događaj je organizovao Intercon, a sponzoriran je od strane Ministarstva vanjskih poslova Republike Hrvatske.

Visoki predstavnik/specijalni predstavnik EU fokusirat će se na izazove koji se nalaze pred Bosnom i Hercegovinom, reforme koje ova zemlja mora provesti da bi napredovala na putu prema Evropi. Također, govorit će o promjeni prirode međunarodnog prisustva u Bosni i Hercegovini, sa posebnim osvrtom na tranziciju od Ureda visokog predstavnika na Ured Specijalnog predstavnika EU.

Tokom dvodnevne posjete, gospodin Schwarz-Schilling održat će sastanke sa visokim zvaničnicima vlasti Hrvatske.

U četvrtak, visoki predstavnik i specijalni predstavnik Evropske unije sastat će se sa Predsjednikom Hrvatske Stipom Mesićem, dok će se u petak sastati sa premijerom Ivom Sanaderom i ministricom vanjskih poslova i evropskih integracija Kolindom Grabar-Kitarović.

Tekst obraćanja visokog predstavnika bit će vam dostupan sutra u toku dana. Također ćemo objaviti i detalje sastanaka visokog predstavnika/specijalnog predstavnika EU koji će se održati tokom njegovog boravka u Zagrebu.